




الشاعرة عواطف درويش



عواطف درویش

عاشقة السفر ويًا القمر

أشعار

صدرت الطبعة الأولى في فبراير 2019

بطاقة الكتاب

عاشقة السفر ويًا القمر	عنوان المؤلف
عواطف درويش	المؤلف
اشعار	التصنيف
4791 - 2019	رقم الإيداع القانوني
978-977-85390-7-3	الترقيم الدولي
108 صفحة	عدد الصفحات
345 الطبعة الأولى فبراير 2019	رقم الإصدار الداخلي
20X14	المقاس
صلاح عبد الخالق	تصميم الغلاف

جميع حقوق الطبع والنشر محفوظة للمؤلف، ولا يحق لأى دار نشر طبع ونشر وتوزيع الكتاب الا بموافقة كتابية وموثقة من المؤلف

دار النيل والفرات للنشر والتوزيع

ثورة مصرية تشرق إبداعا على الوطن العربي

رئيس مجلس الإدارة

ناجى عبد المنعم



رخصة مزاولة مهنة: 58365 - سجل تجاري: - 13242 / 2017 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 تليفاكس: 020554372901

البريد الإلكتروني: alnilwaalfourat@gmail.com - alnilwaalfourat

المقر الرئيسي: ج.م.ع. محافظة الشرقية - العاشر من رمضان - مجاورة 13 - أمام سنتر الد - 13 - عقار 304

رؤية الناشر

(عاشقة السفر ويًا القمر) عنوان جامع لمزج من العشق بين قرينين متلازمين هما السفر والقمر وبينهما متشابهات وأطروحات جدلية لعشق لا يناله ولا يشعر به إلا المبدع الفنان الذى يربط ما بين تراس الأحداث وتتابعها فى السفر والمشهد اليومى للقمر بمراحله المختلفة ،

والشاعرة عواطف درويش شاعرة رقيقة المشاعر مرهفة الحس تعيش بقصائدها أحداث المشهد لحظة بلحظة وتسجلها شعرا فتجد فى أشعارها العناوين المتباينة لقضايا مختلفة من قضايا العصر سواء أكانت ذاتية بحتة أو متصلة بالأحداث الخارجية التى تتأثر بها وتؤثر فيها ، فتجدها عاشقة للوطن عندما تكتب عن بلادها ، فتصوغ قصائدها من روح الإنتماء للوطن ، وفى النهاية نحن أمام كتاب قيم بمشاعرة المتدفقة وموضوعاته الماسة للمشهدين الحياتى والذاتى وهو إضافة للمكتبة العربية

ناجى عبد المنعم

الإهداء

أهدي كلماتي البسيطة
لروح والدي
فهم من علموني,, كيف أحيا بالحب
والتسامح والغفران أكرم الله ثراهم,,
واسكنهم الفردوس الاعلي,

واهداي الخاص
لمن ملكوا قلبي بحبهم
أولادي وأحفادي وأهلي واحبابي
بارك الله فيهم وفي كل من ساندني
لميلاد ديوان
(عاشقه السفر وياه القمر)
وكذلك توعم روعي الاديبه الجميله
جميله الروح والقلب
كارمن رحال
وكل الشكر والتحيه للجميع .

عواطف درويش

قرائى الأعزاء

من وحي خيالي,,, سبحت أحلامي
لذا قولت كلامي,,, ونسجته أغاني
تدخل لقلوبكم,,, تفهمها عقولكم
أطلقت عناني,,, وبسحر كلامي
توصلوا بخيالكم
وتشوفوا احلامكم
تلمسها قلوبكم أيوه
بخيالكم وتلفوا العالم
جوه بأشعاري
كلمات و معاني,,, لقصص مختلفه
ها نلاقي العبره,,, نستخلص حكمه
نتعلم منها,,, ان الحياه والنفوس
لا ترتقي
الا بالاخلاص والصدق والحب والموده والرحمه.
وإن الدنيا أسمى مافيها,,, هو الحب والصدق مع النفس
وإن الحب ويا الرحمه أجمل زينه تزين النفس.
ولكي نحيا ونعيش بأمان
نزرع بذره حب جوه نفوسنا
تطرح,,, ثمره حب فيها كرام للانسان

عواطف درويش

بدون ملام



بدون ملام ،،، سكت الكلام
إتكسرت كل الحروف
قدام عينيك
ومن عينيك
فاضت عينيه بالدموع
تسقيها روعي
لحضن روك
بدون ملام ،،، سكت الكلام
اتكلمت أحاسيسي
أيوة اتكلمت
ف حضن قلبك
لمست قلبي
دابت مشاعري

هزت كياني
ضميت عيونك ،،، جوه عيونى
لمست خدودك
خلت خدودى ،،، تروح لدنيا
حلمت بيها
من صغر سني
بدون ملام ،،، سكت الكلام
اتحركت كل المشاعر
اتحركت بكل قوة
بعد ما كانت
متجمدة

من عمر فات
وايا اللي فات
خالتنى عايشة
جوايا ثورة
بركان مشاعر
لهيب يحرق
نارالحسود ،،، ويَا العزول
يقولوا مالها ؟
عيونها لامعة ،،، خدودها وردة !
يقولوا عاشقة
أصل الهوى
يخلى صاحبه ،،، سلطان زمانه

بدون ملام ،، سكت الكلام
لا الزمان ،، ولا المكان
يفرق معايا
مدام حبيبي ،، ونور عنيا
راضى على
جوايا راضية
متحملة كل الهوان ويّا الصعاب
تفوت تعدى زى السحاب
تمشى سفينة حبنا
فى بحر هايج ،، وموجه على
تقوللى إهدى
خلاص رسينا بر الأمان

على شط قلبك
رست سفينتي ،، بدون ملام
إتكسرت كل الحروف
مش باقى منها
غير كلمة واحدة
إنى بحبك
كتبتها ،، وزرعتها ،، ويّا الدفا
بحضن قلبك ،، روتها أيوه
بدم قلبى
ما هو إنت قلبى
بدون ملام ،، ولا كلام

سجينة أنا

سجينة أنا

بلا أسوار ،، ولا جدران تقيدنى

ولا أغلال تسلسلنى

حبيسة الأطلال

رافضة لقلبى ،، متمرده عليه

حائرة

حائرة أنا أتساءل

كيف تسلت

الى قلبى ونفسي ووجدانى

مع تلك القيود؟



حائرة أنا أتسأل

هل كنا على موعد مع القدر؟

أم موعد مع الحياة ؟

ملكتنى

وملأكتنى ،،، مملكة قلبك

جعلتنى أميرة على قلبك

فى مملكة العاشقين

أذوب شوقا وحنان

تسحرني نظرة عينيك

تضمنى ،،، تزلزل قلبي

أتحرك شوقا وهياما
أغرق ببجور العاشقين
سجينة أنا
بلا أسوار ،، ولا جدران تقيدنى
سجينة لقلبك العاشق الولهان
وما عدت أتسأل
كيف تسالت الى قلبى
فما كنته
ملك العاشقين

لما كنا صغيرين



لما كنا صغيرين ،،، شوفت دنيا
دنيا تخطف ،،، الروح والقلوب
العيون ،،، جوه العيون
و الزهور ،،، و الورود متفتحة
كنت وردة
وهو عصفور ع الغصون
كنا نملا دنيا فرحه
جوه شط البحر
تضحك عيوننا
نلمح شعاع جواه ياقوته
فرده سلاسل من ذهب
تسحر عقولنا

نحلم ونحلم
نبني قصور شطنا
برمل أصفر ،، ويا ودع
جوه الزحام
بلا وداع إختفي
إختفي ويا السنين
توهنا ولسه
ساكن جوانا الحنين
صبحت طير بلا جناح
كللي جراح
بتمني يرجع تطيب جراحي
بحلم بيوم يجمعنا
من تاني الزمن
يمسح الدمعه الحزينه
اللي ساكنه بالعيون

بيوم بصدفه كان اللقي
بعد سنين فيها الحنين
حسيت بفرحه ويا خوف
من السنين ولا الانين
جه وسلم
من غير ما أسلم
لقيت عيونه جوه عيوني سلمت
نظره عيوني كانت صريحه
فيها عتاب
رد وقال بلاش عتاب
ويا البعاد حبي قوي
تعاللي عندي بحضن قلبي
ويا الدفا انتهي
زمن البعاد

مشتاقه ليك



من غير لوم
ولا قالوا وقولنا
اه من نوعه الاشواق
روحي وروحك
دايبين دوب
من غير ليه
مشتاقه اليك
بشوف الدنيا
جوه عنيك
روحي طايره
تنادي عليك

بعدك عني مش بإيديك

عارفه وحاسه

حاسه بلوعه الاشواق

عائش ،،، عاشق

نظره عيني

ساكن قلبي ،،، بتجري بدمي

عشنا بدنيا او بلاخره

دي أرواحنا عائشه وهائمه

تحب وتعشق

جوه بدونية العشاق

من غير لوم

ولا قالوا وقولنا

هو العشق
لوعه ونار
ناره ماتحرق
ناره تبرد
قلب العاشق والمعشوق
من غير لوم
ولا قالوا وقولنا
روحي وروحك
دايين دوب
جوه بدنيه العشاق
قولنا يارب
يوم تجمعا
جوه بجنة العشاق

رحالة



رحاله أنا
عاشقة السفرويا القمر
بين السحاب ملو الفضاء
رحاله أنا
بدون جناح مع الجراح
رحاله أنا
أنزل أغوص بين الرمال
تشدنى الذكريات
بين الدموع مالو العيون
ويا الالهات

رحاله انا
فى بحور عذاب
بدون أحبه
رحله طويله
من الحياة ولا العذاب
نسيت حياتى
وذكرياتى ودنيتى
فى رحلتى
ما هى دنيا ماله
وناسها سارحه
جوه بحورها
ترمى شباكها
تتمنى فرحه جوه بقلوبها

جوه شباكها
تلاقيها طارحه
حسره ومرارة
معدتش فارقه
لا طعم ليها
ولا فرحه فيها
هى الحقيقة
دنيا مصالح فى بحر مالح
رحلة طويلة
ما بين مناهدة وبين مثابرة
رحالة أنا
عاشقه السفر ويا القمر

صخرتي



علي صخرتي
قاعده انا ويّا حنين
بين البحر والموجة
والذكريات وياه الأنين
أحلم بطيفه
يجري عليا يضمني
فوق للسحاب
من ايديّا يشدني
أفتح عينيا للسحاب
ألاقي نفسي
بين البحر والموجة
والذكريات وياه الأنين

على صخرتى
قاعدة انا ويّا حنين
متشوقه متلهفة
أقول لمين لنور العين
قلبي يحس خطوته
أتهلف رؤيته
ويّا رعدة لمستته
كلي حنين
احلم واقول
ممکن يعود ،،، يلمس ايديّا
يشوف عنيّا ،،، يحس بيّا

الحب

انت كلمته ودنيته

القلب

انت رؤيته و نبضته

اروح للحظة ،،، لحظة حلوة

عشتها في دنيتة

أفوق وأصحي

على ذكرى مُرة

فيها ندم ويّا اهات

وبحور دموع و بحر هليج

وموجة جاية ،،، جاية بتجري

تهزني علي صخرتي

تقوللي إصحي

تقوللي فوقلي

دي ذكريات من عُمر فات

علي صخرتي

قاعدة انا ويّا حنين

علي صخرتي

اتحطمت أحلامي ،،،ايوا

وتاه الحنين

ميلاد



اللحظة دى ،، هيه ميلادي
سمعت صوت ،، لحن جميل
رن ف ودانى ،، صحا وجدانى
دقدقه جوا قلبي
وب فرحتي
حسيت بنفسي ،، مش أنا
اللحظة دى
هيه ميلادى
حسيت ب عمرى
بيتولد
تاني من جديد

سمعت صوته مرتين
فى كل مره
أحس إنى أعرفه
قبل ميلادي
حسبته أيوه ،، سمعت له
شوفته بقلبي
رسمت صورته ،،، جوه ب خيالي
كلمت قلبي ،،، قائللى اوصفيه
حسبته طير ف سمايا
فارد جناحه ب السما
بهر العيون

طله بهيه من حسنھا

طل القمر وغنا

سمعت صوته

بلبل مغرد ب السما

كروان يسبح فى الفضاء

و بفرحتي

حسيت ب عمري

بيتولد

تاني من جديد

وانت بعيد

بعيد بعيد ،،، وانت بعيد
بحس إني ف دنيا تانيه
عائشه وحيده ف دنيا بعيده
دنيا غريبه وانت بعيد
ماقدرش ابدا
ياحبيبي أعيش وانت بعيد
مش لاقية نفسي
وان قولت قلبي
بحس روعي تايهه بعيد
ساكنه بروحك جوه ظلك
ولا مره قلبك
يقول فاكرني ،،، آسي عليا
أقول ناسيني ،،، أيوه ناسيني

وف البعاد اصرخ
وأقول أهين وأه
وألف أه ع عمر ضاع
ف البعاد ويا العناد
ناديت عليك
وقولت فين اللاقي نفسي
وياروحي جوه روحك
دايبه فيها
يا منايا ياسمايا
جوه حضنك بلقي نفسي
ساكنه قلبك

زي نجمه ف سما
وسط الصحاري
منوره كل طريق
جوه قلبك بلقي نفسي
ونفسي أهدي باقي عمري
كله ليك ،،، ايوه ليك
وانت بعيد إن قولت أعيش
أيوه بعيش بس مفيش
بعشتي لون
ولا اي لون غير رتوش
بحلم بلمسه تضمنا
يرجع للي من تاني الهنا
نملا الحياه انت وأنا
حب هنا

عشت عمري



عشت احلم ،، ويا عمري
شوفته طائر ،،، ويا قلبي
يوم لقلبك
كله فرحه ساكنة قلبي
والاحبه بحضن قلبي
وحس نفسي ويا نبضي
ما انت نبضي وكل عمري
يا منايا عيش معايا
باقي عمري اللي اتولد
لحظه لقاك
من عنيك وف ايديك
شوفت عمري بين ايديك

حسيت بروحي

جوه روحك ،،، طائره ،، حايره

ف سما العاشقين

ودنيتي صبحت جميله

وياحب ،،، احلي حب

كلي شوق وياحنين

اتولد لحظه لقاك

وف لقاك

تاهت العيون ويا القلوب

لما عيونك

حضنت عنيا لمست ايديا

روحت دنيا بالغرام والهيام

جوه قلبي دوبنا دوب

لما داب فينا الهوي

لحظه لقاك

ما اقدرش

ماقدرش

أنسى حبكم ماقدرش

أعيش بعيد عنكم

ما أقدرش

عنكم عوازلى ،،،سألونى

ياحب عمرى ،،، وقالوللى

ليه الحبايب هجرونى

بعد اللى فات

والذكريات ويّا الآنين

ويّا الآهات م السنين

أقولّ لهم
مستحيل ينسوني
دى كل خطوة بخطاويننا
ليها علامة بأراضينا
وسماها شاهده علينا
للمسة إيدينا ونظرة عينينا
أشواق وحنين
لحظة لقي ولا أنين
والدموع ملو العيون
بتنزل ع الخدود
تنزل معاها الهموم

ألاقي ضحكه منوره
جوه العيون
أضمها جوه الجفون
أقول حبيبي
إنت عيوني ودنيتي
إنت آهاتي وسلوتي
وعمرى ما أنسى
دنيتي ولا سلوتي
أنسى حبكم ؟
ما أقدرش
اعيش بعيد عنكم
ما أقدرش

عد تنازلي

ها عد خلاص تنازلي
قرب خلاص وقت السفر
الفرح فيا انكسر
وجه الخريف ع الشجر
وياه شجن جوا ب قلبي
ولاقلبي حس بفرحته
نفسى أقوله
كلام كثير , , , جوا عيوني
ها عد خلاص تنازلي
قدمت كل تنازلي

لحظه لقاءك

الوقت فات

أيوه خلاص الوقت فات

لوعليا أمسك الايام

احضنها بايديا

انكسر فيا الفرح

ملحقتش افرح

ولا قلبي حس بفرحته

جه خلاص وقت السفر

حسيتنى تايهه

مش لاقيه حتى خطوتى

مملكش غير دمتى

وقلب انكسرفيه الفرح

فراق

الدنيا دنيا لقي ولا فراق؟
قالوا فراق ،،، دنية فراق
مهما اتقابلنا
واتجمعوا كل الأحبه
لابد يوم من الفراق
ها نفترق جوه الطريق
بدون رفيق
ها ييجى يوم
من بعد يوم
تبقى المسافه
بيننا سنين



وآه يا عينى
على الأثنين بين الضلوع
لفراق ضنى ،،، ولا أحبه
اتفرقوا على الطريق
نقول نصيب
حتىلقى برضه نصيب
الفرقه نار تحرق قلوب
تطفى شموع جوه قلوب
ويا فراق من السما
لبى النداء
بدون كلام

بكره الندم يملا النفوس
على عمر ضاع
جوه الطريق وياه الفراق
أرجع وأقول
عيشوا الحياه
بدون فراق
لأنه جاى
ولامحال من الفراق

أخاف تنساني

ب حبك ،،، نورت الدنيا

والشمس طلعت ب سمانا

رجعت لي نورت الدنيا

رَاجَعَت لي فرحة لياليا

ع البُعد يقدر مين فينا

حيرانه

صوتي بينادي جوايا

حاسس ب مرارة الفرقا

ف البعد ف النداهة

ويّا ضباب

ف العين والقلب

وها تسرق قلبك نداهة

وها تتغير بكره معاها

ايوه أنا خايفه

راح تتغير

تأسى عليا وكمان تهجر

بكره تقول

ده مش بإيديا

دى النداهه

هيه اللى خادتنى

فى بعاذك الدنيا ظلام

فيها وساوس ويّا شيطان

فيها مرارة ويّا مذله

علشان قلب حب وصان

راجع تانى

تقوللى مفارق

أنده ومين يسمع ندايا

الفرقه نار

تحررق قلوب العاشقين

قالوا زمان

كل شئ وله ثمن

وللفراق أيوا ثمن

بيندفع من عمرنا

من عمر ضاع

ويا الفراق

جوه الفراق
شمسي تغيب
ويّا ضباب
جوه القلوب والنفوس
حلفتك بالغالى يا حبيبى
حلفتك بالغالى عليك
بلاش فراق
ويّا بعد
ارجعللى
نورلي الدنيا
الشمس تشرق من تانى

بيهدد بالإنسحاب

جاي يقول إنسى
اللى فات
والذكريات المؤلمة
تعالى عندى ف حضن قلبى
ويا الدفا ويا الأمان
حلفتلى وقتلتلى يادنييتى
يا حب عمرى يازهرتى
يا أرق زهرة بدينييتى
دا قلبى قلبك
دا انا كلى ملكك
ضميه لقلبك

هاتى إيدك اتعاهدنا
وتواعدنا ع الارتباط
شاهد علينا نظرة عيننا
و رب كريم
ف لحظه مُره مرت عليا
جاي تهدد بالانسحاب
تقول خلاص أسف قوى
ما أقدرش اكمل
لأنك إنتى مشكله
وجت منين المشكله
من قلب حب
حب بضمير

صان العهود ويا الوعود

مش زى قلب

خان العهود ويا الوعود

جاي تهدد بالانسحاب

جبت النهاية ،، قبل البداية

دمرتنى جرحتنى

وقلتلى

يا حب عمرى يا زهرتى

أسف قوى

ماأقدرش أكمل

لأنك إنتى مشكله

الحقيقه

هو انت المشكله

مش ها اسمح لك



مش هاسمح لك
يوم تهدمني او تهاجمني
مش هاسمح لك
علشان انثي
ربي خالقني ومكرمني
أيوه خالقني
أيوه أنا منك
جيت من ضلعك
أيوه أنا نفسك
مش هسمح لك
يوم تهدمني أو تهاجمني

أي ديانه فيها سماحه

فيها الرفق بالقوارير

لو أنا زوجتك

يعني موده ورحمه كمان

ولا أنا أمك

باب للجنه والغفران

لو أنا بنتك

دمك يبقي بيجري بدمي

آيا ان كنت

أيوه أنا نفسك

أيوه أنا منك

ليه تهدمني أو تهاجمني

مش هاسمح لك
لو القسوه دخلت قلبك
قلبك مات
دخله الكره حتي لنفسك
تصبح عشتك نار ومرار
مش هاسمح لك
يوم تهدمني او تهاجمني
مش هاسمح لولادنا كمان
يعيشوا ف نار
ولا مرار ولا دمار
زمن سي السيد
وللي خلاص

هيه أمينه
ثارت لحقوقها ضد الظلم
نادت بحقوقها
المشروع بشرع الله
رب الكون
خلق الانثي ومكرمها
حفظ كرامتها ويا حقوقها
مش هاسمح لك
يوم تهدمني او تهاجمني
انت الراحة ،، قلبك واحه
بل الحنيه ،، لقمه هنيه
تملك قلبي تعيش بسعاده

أيدي بايديك ،، نبني نغلي
نعيش ونعشش ،، ع اسرتنا
نملاها حب ،، ويا محبه
إحنا القدوة ف الاخلاق
نربي ،، نعلم ،، نغرس بذره
حب ونحصد ،، ثمره حب
فيها كرامه للانسان
تبقى فخور بالواحه وثمارها
إنت الراحة ،، قلبك واحه
يعني حنان ،، مش حرمان
مش هاسمح لك
يوم تهدمني او تهاجمني

قلبي اتوجع

قلبي اتوجع طال الشتا

الليالي والبروده

والقلوب متجمده

قلبي اتوجع م الإنتظار

بيتنا ليه كله شتا

كله ضباب ليله طويل

حتى سماه برق بيرعد

جوه القلوب

قولت لنفسى ده المكان

كان فيه زمان

الأحبة والصغار ويا الكبار

متجمعين وسهرانيين



الضحك بيهز المكان

أصحي أفوق ،،، اقول غيوم

لا بد يوم تنتهي كل الغيوم

أخذت إيه من السنين

غير الدموع وحسرتي

جوه النفوس

قلبي إتوجع

م الآنين بين الضلوع

ويّا مرارة وحشرجة

جوا النفوس

أجرى أدور ع الأحبه

اللى هما حتة منى

احلم بيوم

ما كانوا لسه

مولدين

وهما لسه
ما بين إيديا مسلمين
لحضن دافىء جواه أمان
كانوا ليه مسلمين
كبروا خلاص
ومهما كبروا ه يفضلوا
جوه عينيا مولدين
قلبي اتوجع م الشتا
بحلم بيوم
يتولد فيه الربيع
نحلم بشمس منوره
جوه النفوس
جوه القلوب

نحلم ونحلم
ولا خلاص بطلنا نحلم
خافت عيوننا لحظه تنام
قلبي اتوجع
طال إنتظاري
للربيع بعد الشتا
يتولد ربيع مزهر
تشرح فيه الصدور
والاحبه متجمعين
والشمس تسطع
ع الغيوم

أسفه خلاص

إعتذاري ليك يا قلبي
م اللي خان حبك يا قلبي
أسفه خلاص قلبه خلاص
مات و إنتهي حبه بقلبي
قلبي خلاص قرر خلاصي
وحكمه بات ع قلب مات
فاكر زمان ،،، تفرح تدق
لحظة لقي ،،، ولا آنين
ولا الإيدين متشوقين للمسته
آلاقي نفسي ،،، ف دنيته
ولا العنين متلهفة لرؤيته
تلاقي ضحكة بالعنين

قلبي خلاص ولى خلاص

بكره الندم

يملى عنيه ع السنين

اللي جرت م الإيدين

ترويه مرارة السنين

ويا الآنين

واقول خلاص ،،، قلبه خلاص

راح وانتهى

ولا أي ذكرى صبحت بقلبي

قلبه خلاص راح و إنتهى

قلبي إسى ،،، وكمان نسى

اللي فات و الذكريات

ولا حتى فاكراً ،، حبه ليه
هيجي يوم ،، يرجعلي نادم
يتمني لحظة ،، يترجى قلبي
أقول خلاص
قلبي إسى وكمان نسى
مرت سنين
ويا مرارة من الآنين
علمت جوه النفوس
علمت جوه السنين

إتسرق مني الفرح
عجز القلب اللي كان
نابض وعاشق للحنين
عجزت وياه سنين
لا فرح عاد يفرحه
ولا حزن عاد يفرق معاه
أسفة خلاص
حكمه بات ،،، ع قلب مات

ولي خلاص

راح فين زمن الإخلاص؟

ولي خلاص زمن الإخلاص

وقت اللقى حلفتلى و قولتلى

إنتى الحياه ويّا الأمل

وقت اللقى

لقيت روحى بتجري

بتسبق الأنفاس

تداعبها بنظره حب

تنسجها بخيط من ماس

ولى خلاص زمن الإخلاص

راح فين حبك ليا

راح فين خوفك عليا

إنسى يا قلبى كفايه خلاص

إنسى تدور ع الإخلاص

اللى جرحنى ،،، أعز ماليه

قال سامحيني ،،، مش بايديا

إتمنيته أنا وهويته

زى ما قلبه برضو هوانى

إنسى ياقلبنى ،،، كفايه خلاص

إنسى تدور ع الإخلاص

لوجه طيفك ،، يوم ف منامي

هـ حرم جفني ،، يهوى النوم

و هـ قول جفني ،، خاصم النوم

أنسي يا قلبي ،، انسي خلاص

انسي تدور ع الاخلاص

ولى خلاص

زمن الإخلاص

ده قرارك

انسحابك ده قرارك

مش قرارى

يوم لقاك

لمسه ايديك ،،،

ويا سلامك لمسه بارده

وف وداعك

حسيت بغدرك

جوه عيونك ،،،

نظره اسيه ،،، مش مداريه

سألت نفسي الخيانه

جوه دمك ولا طبعك ؟

مشيت كأنك لا شوفتني
ولا حتي يوم عرفتني
ظلمتني هجرتني
ولا قولت باقي
ع عشرتي
لو كنت يوم خاصمتني
ولا جيتني مره وحايلتني
ان كنت باقي ع حبنا
فين العتاب بين الاحباب ؟
بالعتاب تزيد وتغلي

ليه الاسي اللي رسي
ب القلوب وف العيون
بدون كلام ولا سلام
تمشي وتأسي
تهجر وتتسي
وتروح ما ترسي
ايوه سفينه حبنا
عرفت انك
انك بايعني بدون ثمن
لاصبحت منك
ولا انت مني
صبحت حكايه
حدوته خلصت
ماكنتش صادقاه فيها القلوب

حتي المعاني زي الاغاني
كنت كتبها ع سطح ميه
مسحتها موجه وراها موجه
محت السطور م الصدور
كان انسحابك هو قرارك
وجاي لي تاني
تقول لي نادم
ع اللي فات والذكريات
قولت خلاص قلبي اسي
دفع الثمن تاب و ندم
ع السنين اللي ف هواك
راحت بلاش

سامحيني يا أمي



أقول أمي نبع الحب
من نظرة بتفهمني
مهما أقول من معنى
مافيش معنى
يوفيها سهر ليله
وهي بتدي م صحة
وم روحها بكل الحب
بطيب خاطر علشان خاطر
أشد العود ليوم موعود
وأكون حاجه وليا مكان
في كل مكان

أقول سامحيني يا أمي

يا أطيب قلب

غاطت كثير

وكان صبرك عليا طويل

يا نبع الحب

أقول سامحيني يا أمي

خادتنى الدنيا بين منصب

وبين زوجة وبين أولاد

وأمي بترسم الضحكة

وبتدارى ف دمعها

أقول سامحيني يا أمي
ده انتى الروح
انا بيكى وانا ليكى
ومن غيرك كلى جروح
يا ست الكل
يا ضمه الكل بقلب كبير
أقول تانى
ومن تانى
غيرك إنتى يسامحنى
قولى لى مسمحاك

أبين زين



أبين زين ،،، أبين زين

أنا شادية أشدو وأجول

أبين زين ،،، أبين زين

اشوف اللى إنكتب

ف العين

إرمى بياضك يا صبية

إرمي بياضك وأستني

وشوشى الودع واتمنى

اللى ف جسمتك ونصيبك

لابد حتما يصيبك

أبين زين ،،، أبين زين

صلى على الحبيب
يا صبيه م نور جماله
شمس لا تغيب
جدامى طريق مفروش
زينة ملألاه و ورود
شايقه عروسه زين
ماليه جلبك الفرحة
لابسه فستان وطرحه
وخى وسيم
داخل جوه عتبتكم
ومليه قلبه الفرحة
وجايب أهله يناسبكم
متشوقين للعروسه الزين

فرحتهم ملو العين
كله بأمر الله
افرحى يا صبيه
دارى كسوفك بالطرحه
جوه عينيكي حطيه
وادعى لخالتك شادية
انده وأجول
أبين زين ،، أبين زين
واللى من نصيبك
لابد حتما يصيبك
أبين زين ،، أبين زين
أشوف اللى
انكتب بالعين

أمى



من كل قلبى بقول يا قلبى
يحميكى ليا يا نور عينيا
فتحت عينى ع ابتسامه
ونظره منك بتحتويني
يارب خلى ست الحبايب
بصحه دايمه
تحبى حبه تشدى حبه
لقيت محبه
وقلت إنتى أغلى الأحبه
يا نور عينيا
بدعوه ليه ف الفجريه
خلت حياتى صبحت هنيه

تهلى علينا بالفرحه
وجوه الطرحه
تدارى دموع من الأيام
مع القسوه بين الأحباب
وطول غياب من الأولاد
بعذر وعذر و مليون عذر
تغفر تسامح
تقول يارب نور طريقهم
ماهيه أمى ست الحبايب
يحميكى ليا يا نور عينيا
من كل قلبى
باقول ياربى
خليها ليا تفرح وتسعد
ماهيه أمى ست الحبايب

عواد



بين الخضره والميّه
عواد أنا على عودى
لحنت غنوتى
لمست عذوبة الألحان
رسمت خطوتى
ممشوقة الأوتار
عشت الحياة
لحن جميل من ألحانى
قسمتها جوه النفوس
بين الطفولة والصبا
وزعتها
ألحان جميلة بعودي

هزّت قلوب العاشقين
قسمتها وزعتها عودى
طلعى منها تابلوه جميل
قلت إنتى مين يا سانيورا ؟
قالت لى عاشقة أنا
عشقتك ف صوره من ألكانك
خلتنى أقول آهين وآهين
واهين يانا من أنغامك
قلتلها
عواد أنا عودى
قالت لى خلتنى
أرقص بألكانك

عشقتك أيوه

عشقت جمالك

ف عودك وترانيمه

عواد أنا ع عودى

رديت وقلت يا سانيورة

أنا أصلا عاشق الصورة

صنعتها من عودى

مابين الخضره والميه

عواد أنا ع عودى

فلاح يسبح



آذان يؤذن

الله أكبر ،،، الله أكبر

عصفور يغرد ،،، كروان يسبح

فجر يشقشق ،،، ويا الصبح

بنور منور

شافت عينا فلاح يسبح

يقوم يصلى وقت الآذان

الاقى فرحة

و نور منور وبسمه طله

جوه عيونه

أبوا أيوه فلاح بسيط

شاكر لربه ،،، صاين لأرضه

يجري بسرعه
ع زرعته
الاقى أمي سنده و كتفه
بالأكل جايه ،، بشوشه فرحة
تساعد أبويا بكل فرحة
يزرع ويقلع
ف أرض رابحة
تطرح ثمارة بكل خير
شاكر لربه
الاقى جنة قدام عنيّا
اقول ياربى
أرضه دي جنة ؟
ايوه دي جنة
فيها ثمار من كل لون
مليانه خضرا مشاء ربي

يارب خلى أبويا دايما
دا نور عينيا دا دنيتى
لأنه سندی
وهو ظهري وعزوتي
أغلى الأحبه
بیشقى دايما علشان نعيش
ولما يحصد يفرح بحصده
يشكر لربه
ربه كريم

السبوع



سبحان ربى
وهب الصبى
ويّا الصبيه
سبحان ربى
سمى وصلى
شلى واتمنى
قوللى ياربى
من نور هلالك
هل هلالى
قولتى
دى لحظة منسيه
جه الصبى ويّا الصبه


بـخـرـوـه و غـرـبـلـوـه
و لـهـون سـمـعـوـه
و غـنـوا مـعـايـا
غـنـوتـى
دـى سـت لـها
و البـنـت لـها
و قـر نـفـلـها ع العـيـدان
و لـيـها أـوصـه
مـر صـوصـه رـصـه
الـلى خـلـقـها
الـرحـمـن
و لـيـها دـبـوس
كـلـه مـر صـوص
دـهـب و مـر جـان

الكل أبوه غضبان
كان نفسه
فى الصبيان
ولما قالوا
دا ولد
إنشد ظهري وإنسد
وانسند
بالصبي ويّا الصبيه
هيه الصبيه
كلها حنيه
ايوه
الصبيه
كلها حنيه

هللت من الفرحة
وجبت
فستان وطرحه
لبنتى فرحتى ،،، ماهيه ودنيتى
قلبى ومهجتى
لولا الصبيه
ماكنتش أمى
ولاحتى أختى
ولابرضه زوجتى
ولا بنت بنتى
أصل الحكايه هو الولد
هو الولد أرض بتطرح
غير بالصبيه ؟
سبحان ربى
وهب الصبى ويّا الصبيه

نقطة مية

قالوا الميه ،،، قولنا حياه
نقطه ميه ،،، تساوي حياه
الميه نعمه ،،، من ربي
سر حياه ،،، الكون وبقاؤه
هيه الميه
لاتسرف ،،، ابداف الميه
وان كنت ،،، ع نهر جاري
يالامعايا
إنتا وهيه
يالانرشد استهلاكنا
خاف من ربك
راعي ضميرك



وبإسرافك ،،، تضع الميه

ولاترجعش

لازم نفهم ،،،

سر حياة الكون وبقاؤه

هيه الميه

حافظ دايمًا ،،، ع المخزون

خليك دايمًا ،،، ف المضمون

أيوه قليلها ،،، بينعش روح

أما كثيرها ،،، بيقتل روح

قولوا معايا ثروتنا

ف نيلنا ،،، وبحورنا

هيه الميه ،،، أيوه الميه

هيه الثروة

أغلي كمان ،، من حته ماس

أكبر نعمه ،، روح وحياه

هيه جمال

للعين والنفس

للسام ،، هيه الفن

للشاعر ،، هيه الالهام

حاسب ،، حاذر

لا تزول منك

نازله علينا م السموات

ربي حفظها بسابع أرض

لازم نشكر الرحمن

صوت الميه

بيروي حياتنا

صوت الميه

صوت حريه الانسان

عيد الطفولة



هل العيد ،،، هل العيد

عيد الطفولة أجمل عيد

هل العيد خللي قلوبهم

تفرح تسعد بيوم العيد

عيد الطفولة أجمل عيد

هما زهورنا

وتاج ع رأسنا

ياللا نهني كلنا بعض

بضحكه جميله

نخللي الطفل معانا فرحان

فرحه تدوم لطول العام

يالاً نغني

سوا مع بعض

نخلي الشمس تطل علينا

بفرحه كبيره

تملا عيونهم ويا وشوشهم

بفرحه كبيره

نفرح سوي مع بعض

نغني

هل العيد ،،، هل العيد

عيد الطفوله اجمل عيد

اليوم عيدكم

قولوا رسالتكم

ده انتوا ولاد

الجيل الصاعد

عاوزين نملا الدنيا محبه

ويا امان

نشوف الفرحة جوه عيونكم

ويا البسمه ع شفايفكم

تشوفوا الامن

ويا امان الدنيا بقلبي

غنوا معايا

وقولوا معايا

هل العيد ،،، هل العيد

عيد الطفوله اجمل عيد

عابر سبيل

عابر سبيل بالفرح
مش بالحزن ماشى
حتى ملامحه منوره
كضى ليله مقمره
فيها نجوم ملأه
ونجمه ماشيه
توشوشه طول الطريق
لما النهار ضلم عليه
لمحت عينيه
أنوار وجايه من بعيد
نور الحبيب المصطفى

نادى وقال عابر سبيل
يصرخ ومين يسمع نداه
صوته يجلجل ف الفضاء
يا موحدين
بالله الواحد الأحد
صلوا على الحبيب
قبل المغيب
تلاقوا جوه الضلمه نور
تهيموا شوقا للحبيب
ف نور جماله
لقيت طريقى
ف غربتى وسكتى
فيها الزهور موحده
حتى الرمال ويّا الحصى
دا كل شئ فى الكون

موحد بالإله الواحد الأحد
ملوا المساجد الله أكبر
وكل أرض الله مساجد
إسجد وصل على الحبيب
إسجد وصل على الحبيب
قبل المغيب
ادعى وقول
فرج قريب
عابر سبيل بالفرح
مش بالحزن ماشى

كريم



كان في زمان إنسان وشامخ
من رجال الله عليه
هو الشهامة و الكبرياء
أصل الكرم
انسان عطوف وجهة بشوش
تقول ملاك في رقة ولا طاوس
في كبريائه وشامخة
ربه كريم
و جاد عليه بكل خير
أصله كمان منسباً مشرفاً
قالوا عليه أنه عزيز

بن العزيز الخيرين

خيرہ كثير مكنش ليه

كان للفقير فاتح بيوت

واهب حياته لكل شبر بالبلد

لكل طفل او حتي شاب

أخذ بإيده موصله لبر الأمان

طريق طويل كله عهود

لربه صاتها

رب المنايا و العطايا

سابغا م كل نعمه

عليه كان جاندا

لأنه كان محسنا

مترجيا باب الفقير

مقدرش أقول

غير أنه كان

راجل كريم أصله كريم

أصل الرجال ليها صفات

وقت المحن تظهر تبان

الرجال زي المعادن

الأصيل او الردئ

هو كان معدن أصيل

فوق الذهب

ولما كانوا يشبهوه

قالوا ملاك ف رفته

ولا طاووس

ف كبريائه وشامخته

حقيقي ايوا

ع الاصل دور

هو كان اصله كريم

اصل الكرم

قالوا الكريم ربه كريم

وعمره ابدا

ما في يوم يضام

الله عليه

الشاعرة فى سطور



الشاعرة فى سطور

عواطف عبدالله درويش
مواليد / محافظة بورسعيد
عملت / بالتربية والتعليم
حصلت / على عدد من الدورات الإعلامية
عضو بالمؤسسة المصرية الوطنية للتنمية وحقوق الإنسان
عضو أمانة المرآة محافظة القاهرة
شاركت بمؤتمر التعليم الموازي لدول الخليج ومصر
شاركت بأثليته الاسكندرية والقاهرة
شاركت بإحياء ذكرى انتصارات أكتوبر بدار الأوبرا
شاركت بالعديد من الصالونات الأدبية والثقافية
بقصور الثقافة المختلفة ودار الأوبرا المصرية
شاركت بالهيئة الوطنية للإعلام

صدر لها :

#عاشقة السفر ويًا القمر#

عن مؤسسة النيل والفرات للطبع والنشر والتوزيع (طبعة
أولى فبراير 2019)

تحت الطبع

مصر واحه النصر

تمت الطباعة بحمد الله

محتوى الكتاب

بطاقة الكتاب	4
رؤية الناشر	5
الإهداء	6
قرائى الأعزاء	7
بدون ملام	8
سجينة	13
لما كنا صغيرين	16
مشتاقاة لىك	19
رحالة	22
صخرتى	25
مىلاد	29
وانت بعيد	32

- عشت عمرى 35
- ماقدرش 37
- عد تنازلى 40
- فراق 42
- أخاف تنسانى 45
- بيهدد بالإنسحاب 49
- مش هااسمحك 52
- قلبي اتوجع 57
- آسفه 61
- ولى خلاص 65
- ده قرارك 68
- سامحينى يا أمى 72
- أبين زين 75

78	أُمى
80	عواد
83	فلاح يسبح
86	السبوع
90	نقطة مياه
93	عيد الطفولة
96	عابر سبيل
99	كريم
103	الشاعرة فى سطور
106	محتوى الكتاب